

西漢會要


廿三之六

七

漢書門			
二四二五	號	類	
一四〇	函		
八	架		
二〇	冊		

內閣文庫			
元四	二四	漢	
五〇	二五	書	
架	冊	號	類

內閣文庫	
番號	漢 2425
冊數	20 ( 7 )
函號	294 24



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



西漢會要卷二十三

宋 徐 天

麟 撰

輿服上

天子車旂

皇后子附

王車黃屋左纛


高紀李斐曰天子車以黃繒為蓋裏纛毛羽幢也在乘輿車衡左方上注之蔡

斗或在駢頭或在衡

文帝初立奉天子法駕迎代邸

本紀案三軸黃圖云天子出車駕次第謂之鹵

薄有大駕有法駕有小駕大駕則公卿奉引大將軍泰乘大僕御屬車八十一乘作三行尚書御史乘之最後一乘垂豹尾豹尾以前皆為省中備千乘萬騎四都行祠天郊甘泉脩之百官春其儀注名曰甘泉鹵薄法駕



京兆尹奉引侍中參乘奉車郎御屬車三十六乘

宣帝初立大僕以軫臘車奉迎會孫宣紀文類曰軫獵

衣也李奇曰蘭輿輕車也師古曰時未脩天子車駕故且取其輕便耳

乘輿副車霍光傳

輜車張良傳上雖疾彊載輜車臥而護之

鸞輿在前屬車在後賈捐之傳師古曰鸞旂編以羽毛

于道而先行

屬車間豹尾中楊雄傳服虔曰大駕屬車八十一乘作

豹尾以前皆為省中

屬車之清塵應劭曰古者諸侯貳車九乘秦滅九國兼其衣服漢依秦制故大駕屬車八十一乘

師古曰屬者言相連續而不絕也塵謂行而起塵也言清者尊貴之意也見司馬相如傳

甘泉法從楊雄傳注曰從法駕也

千乘霆亂萬騎屈橋楊雄傳

乘鏤象六玉蚪張揖曰鏤象象路也以象牙疏鏤其車輅六玉蚪謂駕六馬以玉飾其鏤勒有

似玉蚪龍子有角名蚪

拖蜺旌折羽毛染以五采綴以鏤為旌有似虹蜺之氣也

靡雲旗畫龍虎為旒于旗似雲氣

前皮軒後道游皮軒之上以赤皮為重蓋天子將出道車五乘游車九乘言皮軒最居前而道

游次皮軒之後以上俱司馬相如傳

乘輿乃登夫鳳凰兮翳華芝楊雄傳師古曰鳳凰者車以

華芝為蔽也

駟蒼螭兮六素蚪同上四六駕數也螭似龍一名虯

流星旄以電燭兮咸翠蓋而鸞旗屯萬騎于中營兮方

玉車之千乘同上方並也

張耀日之元旄揚左纛被雲稍同上稍與稍全

奮電鞭駟雷輜鳴洪鐘建五旗同上漢舊儀云皇帝車駕建五旗蓋謂五色之

旗也以木牛乘其下取其負重致遠

建九旒六白虎載靈輿立歷天之旂曳稍星之旂同上

舉洪頤植靈旂同上洪頤旗名也

建翠華之旗司馬相如傳師古曰以翠羽為旂上葆也

羽葆韓延壽傳

皇太后御小馬車霍光傳張晏曰皇太后所駕游宮中輦車也漢既有果下馬高三尺以駕

輦師古曰小馬可于果林下乘之故號果下馬

綠車金日碑傳晉灼曰漢注綠車名皇孫車大子有子乘以從

大僕掌輿馬屬官有車府路幹騎馬駿馬四令丞伏儼曰主

乘輿路車又主凡小車幹今之小馬曲輿也

中大僕掌皇太后輿馬不常置百官表

高宛制侯丙猜曾孫信坐出入屬車間免功臣表天子出入行陳列

屬車而輓至其間

先驅旄頭

旌旗鼓車旄頭先驅燕王旦傳師古曰凡此皆天子之制又東方朔傳應劭云旄頭以羽

林為之髮正上向而長衣繡衣在乘輿前

先驅旄頭劔挺墮墜梁邱賀傳師古曰先驅導駕者皆今之武侯隊矣

先驅光祿大夫張猛薛廣德傳胡公漢官云車駕出有請室令在前先驅

奉車

奉車都尉掌御乘輿車駙馬都尉掌駙馬百官表

夏侯嬰為大僕轉為滕令常奉車本傳

霍光為奉車都尉出則奉車本傳

杜延年久典朝政出則奉駕本傳

散騎騎並乘輿車百官表師古曰騎而散從亡常取也應邵漢官曰前漢置散騎及中常侍

各一人散騎並乘輿車獻可替否

輦郎劉向傳十

參乘

陳平亡楚來降漢王使參乘紀師古曰乘車之法尊者居左御者居中又有一人

處車之右以備傾側是以戎事則稱車右其餘則曰驂乘驂者三也蓋取三人為名義耳

周繆以舍人從高祖常為參乘傳

文帝自代來令宋昌驂乘紀

文帝朝東宮趙談驂乘爰盎伏車前曰臣聞天子所與共六尺輿者皆天下豪英今漢雖乏人獨奈何與刀鋸餘人共載于是上笑下趙談泣下車盎傳

張釋之為謁者僕射文帝召驂乘徐行問秦之敝具以

質言傳

衛綰為中郎將景帝幸上林詔中郎將參乘還而問曰

君知所以得參乘乎綰曰不知也上問曰吾為天子召

君君不肯來何也綰傳師古曰言以此時識之

宣帝始立謁見高廟大將軍光驂乘上內嚴憚若有芒刺在背後車騎將軍張安世代光驂乘天子從容肆骸甚安近焉及光身死而宗族竟誅故俗傳之曰霍氏之

禍萌于驂乘霍光傳

金日碑遷侍中駙馬都尉光祿大夫出則驂乘本傳

警趨

出稱警入言趨

文三王傳師古曰警者戒肅也趨止行人也言出入者互文耳出亦有趨漢儀

注皇帝輦動左右侍帷幄者稱警出殿則傳趨止人清道也

出稱趨入言警韓安國傳師古曰趨止行人也警令戒

趨入言警者互舉之耳

文帝拜張釋之為廷尉上行出中渭橋有一人從橋下走乘輿馬警于是使騎捕之屬廷尉釋之治問曰縣人來聞蹕匿橋下久以為行過既出見車騎即走耳釋之奏當此人犯蹕當罰金上怒曰此人親警我馬馬賴和柔令他馬固不敗傷我乎而廷尉乃當之罰金釋之曰法者天子所與天下公共也今法如是更重之是法不信于民也且方其時上使使誅之則已今已下廷尉廷尉天下之平也壹傾天下用法皆為之輕重民安所措其手足惟陛下察之上良久曰廷尉當是也本傳

廐馬

大僕掌輿馬屬官有大廐未央家馬三令又車府路軫騎馬駿馬四令丞又龍馬閑駒橐泉駒駮承華五監長丞百官表臣天麟按漢舊儀云天子六廐未央承華駒駮騎馬皆萬匹三輔黃圖都廐天子車馬所在中廐  
皇后車馬所在

初漢天子不能具醇駟食貨志



文帝二年詔大僕見馬遺財足餘皆以給傳置

元帝初元元年詔大僕減穀食馬

二年罷黃門乘輿狗馬

五年詔乘輿秣馬毋乏正事而已

成帝建始二年減乘輿廐馬

本紀

雜錄

文帝時有獻千里馬者詔曰鸞旂在前屬車在後吉行日五十里師行三千里朕乘千里之馬獨先安之于是還馬與道里費而下詔曰朕不受獻也其令四方毋求

獻賈捐之傳

武帝元鼎四年馬生渥洼水中

本紀李斐曰南陽新野有暴利長遭刑屯田敦

渥界數于此水旁見羣野馬中有奇異者與凡馬來飲此水利長先作土人持勒鞞于水旁後馬玩習久之代土人持勒鞞收得馬獻之

作天馬之歌本紀

後伐大宛得千里馬馬名蒲梢次作以為歌樂書

金日磾輸黃門養馬牽馬過殿下馬又肥好拜為馬監

本傳

上官桀遷未央廐合武帝常體不安及愈見馬馬多瘦



上大怒合以我不復見馬耶欲下吏桀頓首曰臣聞聖體不安日夜憂懼誠不在馬言未卒泣數行下上以為

忠

外戚傳

元帝時貢禹奏言高祖孝文孝景皇帝循古節儉廐馬百餘匹方今廐馬食粟將萬匹今民大饑而廐馬食粟苦其大肥氣盛怒至乃日步作之願減損乘輿服御廐馬可亡過數十匹天子納善其忠乃下詔令大僕減食

穀馬

貢禹傳

百官車

漢初將相或乘牛車

食貨志

景帝中六年詔曰吏者民之師也車駕衣服宜稱合長

吏二千石車朱兩轡千石至六百石朱左轡

紀臣天麟案後漢志

亡景帝詔六百石以上施車轡得銅五未軛有吉陽簡中二千石以上右騂三百石以上皂布蓋千石以上阜繪覆蓋二百石以下白布蓋皆有四帷杠衣賈人不得乘馬車赤畫杠其餘皆青云

朱買臣為會稽太守長安廐吏乘駟馬車來迎

本傳張晏曰故

事大夫乘官車駕駟

吳楚誅後諸侯貧者或乘牛車

高五贊

黃霸為潁川太守賜車蓋特高一丈別駕主簿車緹油

屏泥于軾前以章有德本傳

杜延年為御史大夫以老病乞骸骨天子優之賜安車

駟馬罷就第

本傳師古曰坐乘之車也臣天麟案後漢輿服志云公列侯安車朱班輪倚鹿較伏

熊軾阜蓋倚鹿較者畫立鹿于車之前兩藩外也伏熊軾者平前櫺軾為伏熊之形也

薛廣德為御史大夫與丞相定國大司馬車騎將軍史

高俱乞骸骨皆賜安車駟馬廣德東歸沛以為榮垂其

安車傳子孫本傳

武帝使使安車以蒲裹輪駕駟迎申公

申公傳師古曰以蒲裹輪取其

安也

田千秋為相年老上優之朝見得乘小車出入宮殿中

故因號曰車丞相本傳

武帝聞枚乘年老乃以安車蒲輪召乘本傳

平帝元始二年王莽奏車服制度紀

雜錄

輜車張良傳師古曰衣車

廣柳車季布傳置廣柳車中服虔曰東郡謂廣轍車為廣柳車鄭氏曰作大柳衣車若周禮喪車也李

奇曰廣柳大隆穹也晉灼曰周禮說衣髮柳柳聚也衆

二說非也隆穹所謂車輦者耳非此之謂也

輶車百乘牛馬千兩貨殖傳

始元五年有一男子乘黃犢車建黃旒衣黃襜褕着黃

冒詣北闕自謂衛太子傳不疑傳

蔡義給事大將軍莫府家平常步行資禮不逮眾門下

好事相合為義買犢車令乘之本傳

東平王數私出入驅馳國中王尊為相召敕廐長大

當從官屬鳴和鸞乃出自今有令駕小車叩頭爭之王尊傳

楊惲家方隆盛時乘朱輪者十人本傳

韓延壽在東郡時試騎士治飾兵車畫龍虎朱爵延壽

衣黃紈方領駕四馬傳總建幢檠植羽葆鼓車歌車功

曹引車皆駕四馬載檠戟五騎為伍分左右部軍假司

馬千人持幢傍轂治飾車甲三百萬以上蕭望之劾延

壽上僭不道本傳

哀帝召龔勝為諫大夫勝薦龔舍甯壽侯嘉有詔皆召

勝曰竊見國家聘醫巫常為駕徵賢者宜駕上曰大夫

乘私車來耶勝曰唯唯有詔為駕

韋元成以列侯侍祀孝惠廟當晨入天雨淖不駕駟馬

車而騎至廟下有司劾奏等輩數人皆削爵為關內侯  
元成自傷貶黜父爵作詩自劾責曰惟我小子不肅會  
同嬖彼卓服黜此附庸四方羣后我監我視威儀車服  
惟肅是履本傳

鮑宣為豫州牧行部乘傳去法駕駕一馬舍宿鄉亭為

眾所非宣坐免鮑宣傳

王氏一姓乘朱輪華轂者二十三人劉向傳

王莽謁九廟大駕乘六馬以五采毛為龍文衣著角長

三尺華蓋車元戎十乘在前王莽傳

終

西漢會要卷二十四

宋 徐 天 麟 撰

輿服下

天子冠服

高祖以竹皮為冠令求盜之薛治時時冠之及貴常冠  
所謂劉氏冠也八年令爵非公乘以上毋得冠劉氏冠

本紀臣天麟按後漢輿服之志云劉氏冠楚冠制也祀  
宗廟諸祀則冠之此冠高祖所造故以為祭服尊敬之  
也謂也

高皇帝所述書天子所服第八天子衣服之制也曰大  
于施行詔書第八曰大

謁者臣章受詔長樂宮曰令羣臣議天子所服相國臣何等議曰春夏秋冬天子所服當法天地之數中得人

服禮物朝祭百事

文帝身衣弋綈

本贊又賈誼云帝之身白衣皂綈

孝文身衣弋綈足履革舄以韋帶劔莞蒲為席兵木無

刃衣縑無文

東方朔傳

聖文躬服節儉綈衣不敝革鞜不穿

楊雄傳

昭帝元鳳四年帝加元服

本紀師古曰元尊也冠者首之所着故曰元服

皇太后賜御府衣迎皇帝

紀案少府衣官有御府令主天子衣服

元帝初立五年罷齊三服官

紀李夔曰齊國舊有三服官春獻冠幘縑為首服紈

素為冬服輕縑為夏服臣天麟按貢禹傳禹奏故事齊三服官輸物不過十笥方今齊三服官作工各數千人一歲費數鉅萬天子納共言罷三服官

### 百官冠服

爵非公乘以上毋得冠劉氏冠

見上

景帝中六年詔曰吏者民之師也車駕衣服宜稱亡度者或不吏服出入閭里與民無異令長吏二千石車朱

兩轎千石至六百石朱左轎車騎從者不稱其官衣服  
下吏出入閣巷無吏體者二千石上其官屬三輔舉不

如法令者

紀

皂衣 谷永傳曰陛下擢之皂衣之吏蕭望之曰張敞脩  
皂衣二十餘年如淳曰雖有五時服至朝皆着皂

衣

直指使者衣繡衣持斧

武紀

柱後惠文

張敞傳當以柱後惠文彈治之耳晉灼曰漢  
法冠也一號柱後惠文以纚裹鐵柱卷秦制

執法服今御史服之謂之解廌一角今冠兩角以解廌  
為名耳師古曰纚即今方目紗也纚山爾反卷去權反

郎侍中皆冠鷄儀貝帶

佞幸傳師古曰以鷄儀毛羽飾  
冠司馬相如傳師古曰鷄儀鷄儀鷄儀

鳥也似山鷄而小鷄背毛黃腹下赤項綠色其  
尾毛紅赤光采鮮明今俗呼為山鷄其實非也

貂羽黃金附蟬

燕王旦傳注  
云侍中之飾

司隸冠進賢冠

百官表

仄注冠

五行志李奇注云仄注冠  
曰高山冠齊冠也謁者服

皮弁素績

孝平王后傳劉歆以下四十九人賜皮弁素  
績師古曰皮弁以鹿皮鳥冠形如人手之弁

命也素績謂素裳也朱衣而素裳字  
或作積積謂裝積之若今之襪為也

方山冠

五行志鄭展曰方山冠以  
五采穀為之樂舞人所服

雜錄

武安侯田恬坐衣襜褕入宮不敬免

外戚表師古曰襜  
褕直裾禕衣也

朱博為刺史救功曹官屬多褻衣大褫不中節度自今  
椽史衣皆合去地三寸本傳

叔孫通儒服漢王憎之乃變其服服短衣楚制本傳

婁敬見高祖虞將軍欲與鮮衣敬曰臣衣帛衣帛見衣

褐衣褐見不敢易衣本傳

江充召見願以所常被服冠見武帝許之充衣紗縠禪

衣曲裾後垂交輸冠禪纚步搖冠飛翾之纓本傳

雋不疑見暴豚之冠進賢冠帶羈具劔佩環玦褻衣博

帶本傳

董偃綠幘傳講東方朔傳應劭曰宰人服也韋昭曰講

曰綠幘賤人之服也傳

### 臣庶衣服

漢初定與民無禁序傳師古曰國家不設車旂衣服之禁

高祖八年賈人毋得衣錦繡綺縠絺紵紀

文帝時賈誼上疏言今民賣僮者為之繡衣絲履徧諸

緣內之閑中是古天子后服所以廟而不晏者也而庶

人得以衣婢妾白縠之表薄綺之裏縫以偏諸美者黼

黻是古天子之服今富人大賈嘉會召客者以被墻度

人屋壁得為帝服倡優下賤得為后飾帝之身白衣皂  
綈而富民墻屋被文繡天子之后以緣其領庶人夔妾  
緣其履此臣所謂舛也本傳

成帝永始四年詔公卿列侯多蓄奴婢被服綺縠車服  
過制申敕有司以漸禁之青綠民所常服且勿止紀

成帝微行私奴客皆白衣組幘帶刀持劍五行志

白衣龔勝傳師古曰白衣給官府趨走賤人若今諸司亭長掌固之屬

璽

漢元年十月沛公至霸上秦王子嬰封皇帝璽符節降

積道旁本紀又霍光傳注云漢初有三璽天子之璽自

皆白玉蟠虎紐又曰皇帝行璽皇帝之璽  
皇帝信璽天子行璽天子之璽天子信璽

代王至周勃跪上天子璽文帝紀

符璽御史周昌傳趙堯為符璽御史百官表云其御史尚符璽者有印綬

霍光輔少主殿中嘗有怪一夜羣臣相駕光召尚符璽

郎恐有變難郎不肯授光光欲奪之即按劍曰臣頭可

得璽不可得也光傳

霍光奏昌邑王受皇帝信璽行璽大行前就次發璽不

封光傳



初高祖入咸陽至霸上秦王子嬰降于軹道奉土始皇  
 璽及高祖誅項籍即天子位因御服其璽世世傳受號  
 曰漢傳國璽以孺子未立藏長樂宮及莽即位請璽太  
 后不肯授莽莽使安陽侯舜諭指舜素謹敕太后雅愛  
 信之舜既見太后知其為莽求璽怒罵之曰而屬父子  
 宗族蒙漢家力富貴累世既無以報受人孤寄乘便利  
 時奪取其國不復顧恩義人如此者狗猪不食其餘天  
 下豈有而兄弟邪且若自以金匱符命為新皇帝變更  
 正朔服制亦當自更作璽傳之萬世何用此亡國不祥

璽為而欲求之我漢家老寡婦旦暮且死欲與此璽俱  
 葬終不可得太后因涕泣而言旁側長御以下皆垂涕  
 舜亦悲不能自止良久乃仰謂太后臣等已無可言者  
 莽必欲得傳國璽太后寧能終不與耶太后聞舜語切  
 恐莽欲脅之乃出漢傳國璽投之地以授舜曰我老已  
 死知而兄弟今族滅也舜既得傳國璽奏之莽大悅乃  
 為太后置酒未央宮漸臺大縱眾樂

元后傳

羣臣璽綬印

諸侯王金璽蓋綬

蓋音戾緣也漢舊儀云諸侯王金璽橐佗紐文曰璽

相國丞相金印紫綬高帝十一年更名相國綠綬太師太傅太保太尉左右前後將軍金印紫綬御史大夫銀印青綬

比吏秩比二千石以上皆銀印青綬光祿大夫無比六百石以上皆銅印黑綬大夫博士御史謁者郎無其僕

射御史治書尙符璽者有印綬比百二石以上皆銅印

黃綬綏元和年長相皆黑綬建平二年復黃綬百官表

武帝大初元年改正朔數用五紀注云謂印文也若丞

及守相印文不足五字者以之足之

楊僕懷銀黃垂三組銀銀印也黃金印也僕懷三印故三組也

宣帝始賜單于印璽與天子同食貨志上

方寸之印丈二之組鎮撫海內嚴助傳

印散陳遵傳謂印之組也

符節

天子璽符節高紀師古曰符謂諸所合符以爲契者也節以毛爲之上下相重取象竹節將命者

持之以爲信

高祖與功部符作誓紀

文帝二年初與郡守爲銅虎符竹使符紀應劭曰銅虎符第一至第五

國家當發兵遣使者至郡合符符合乃聽受之竹使符皆以竹箭五枚長五寸鐫刻篆書第一至第五張晏曰符以代古之圭璋從簡易也師古曰與郡中為符者謂各分其半右留京師左以與之使者所吏反

武帝征和二年更節加黃旄初漢節純赤以戾太子持

赤節故更為黃旄加上以相別

本紀及劉屈傳

少府屬官有符節合丞

百官表

襄平侯紀通尚符節

呂后紀

齊王欲發兵誅諸呂魏勃曰王欲發兵非有漢虎符驗

也

高五王傳

七國敗弓高侯詰膠西王卬曰未有詔虎符擅發兵王

其自圖之

吳王漢傳

武帝曰吾新即位不欲出虎符發兵郡國

嚴助傳

御史中丞劾馮野王持虎符出界歸家遂免

馮野王傳

閩越王弟餘善殺王以降淮南王盜寫虎符

賈捐之傳

閩越王弟餘善殺王以降遣使者上符節請所立

嚴助傳

伍符

馮唐傳伍伍相保之符也

衛太子擅發兵盧賀坐守太子節掠死

功臣表

任安坐受太子節懷二心要斬

劉屈釐傳

霍光奏昌邑王自之符璽取節十六朝暮臨從官持節

從霍光傳

關傳

文帝十二年除關無用傳

張晏曰傳信也若今過所也李奇曰檠也師古曰古者或

用檠或用繪帛檠者刺木為合符也

景帝四年復置諸關用傳出入

應劭曰以七國新反備非常

宣帝本始四年詔曰今歲不登民以車船載穀入關者

得毋用傳紀

甯成詐刻傳出關本傳

終軍從濟南當詣博士步入關關吏予軍繻軍問以此

何為吏曰為復傳還當以合符軍曰大丈夫西游終不

復傳還棄繻而去軍為謁者使行郡國建節東出關吏

識之曰此使者乃前棄繻生也本傳

西漢會要卷二十五

宋 徐 天 麟 撰

學校上

大學

高帝尙有干戈平定四海未遑庠序之事儒林傳序

武帝興大學本贊臣天麟案三輔皇圖云大學在長安西北七里有市有獄

董仲舒對策曰養士之大者莫大乎大學大學者賢士之所關也教化之本原也願陛下興大學置明師以養天下之士武帝立學校之官皆自董仲舒發之本傳

元朔五年制曰蓋聞導民以禮風之以樂婚姻者居室之大倫也今禮廢樂崩朕甚愍焉故詳延天下方聞之士咸登諸朝其合禮官勸學講義洽聞舉遺興禮以爲天下先大常議予博士弟子崇鄉里之化以厲賢才焉謹與大常臧博士平等議曰聞三代之道鄉里有教夏曰棧殷曰庠周曰序其勸善也顯之朝廷其懲惡也加之刑罰故教化之行也建首善自京師始繇內及外今陛下昭至德開大明配天地本人倫勸學興禮崇化厲賢以風四方太平之原也古者政教未洽不備其禮請

因舊官而興焉爲博士官置弟子五十人復其身太常擇民年十八以上儀狀端正者補博士弟子郡國縣官有好文學敬長上肅政教順鄉里出入不悖所聞令相長丞上屬所二千石二千石謹察可者常與計偕詣太常得受業如弟子一歲皆輒課能通一藝以上補文學掌故闕其高第可以爲郎中大常籍奏卽有秀才異等輒以名聞其不事學若下材及不能通一藝輒罷之而請諸能稱者臣謹按詔書律令下者明天人分際通古今之誼文章爾雅訓辭深厚恩施甚美小吏淺聞弗能

究宣亡以明布諭下以治禮掌故以文學禮義為官遷  
 留滯請選擇其秩比二百石以上及吏百石通一藝以  
 上補左右內史大行卒史比百石以下補郡太守卒史  
 皆各二人邊郡一人先用誦多者不足擇掌故以補中  
 二千石屬文學掌故補郡屬備員請著功令它如律令  
 制曰可自此以來公卿大夫士吏彬彬多文學之士矣  
 昭帝時舉賢良文學增博士弟子員滿百人宣帝末增  
 倍之元帝好儒能通一經者皆復數年以用度不足更  
 為設員千人郡國置五經百石卒史成帝末或言孔子  
 布衣養徒三千人今天子大學弟子少于是增弟子員  
 三千人歲餘復如故平帝時王莽秉政增元士之子得  
 受業如弟子勿以為員歲課甲科四十人為郎中乙科  
 二十人為太子舍人丙科四十人補文學掌故云儒林傳序  
 武帝立五經博士開弟子員設科射策訖于元始一經  
 說至百餘萬言大師眾至千餘人儒林傳贊  
 元帝初元五年罷博士弟子毋置員以廣學者永光三  
 年冬復博士弟子員

辟靡



武帝封泰山兒寬上壽曰間者聖統廢絕陛下發憤祖

立明堂辟廱兒寬傳師古曰祖始也

河間獻王來朝獻雅樂對三雍宮景十三王傳應劭曰辟廱明堂靈臺也雍

和也言天地君臣人氏皆和也

成帝時隄為郡于木濱得古磬得古十六枚劉向因是

說上宜興辟廱設庠序陳禮樂隆雅頌之聲盛揖遜之

容以風化天下成帝以向言下公卿議會向病卒丞相

大司空奏請立辟雍案行長安城南營表未作遭成帝

崩羣臣引以定諡及主莽為宰衡欲耀眾庶遂興辟雍

因以篡位世祖中興乃營立明堂辟雍顯宗即位躬行

其禮養三老五更于辟雍威儀既盛美矣禮樂志臣天麟按三輔黃

圖漢辟雍在長安西北七里河間獻王來朝獻雅樂武帝對之三雍宮即此

平帝始元五年劉歆孔永孫遷平晏四人使治明堂辟

廱得萬國驩心侯各千戶思澤奏表

郡國學

文翁為蜀郡守仁愛好教化見蜀地辟陋有蠻夷風文

翁欲誘進之乃選郡縣小吏開敏有才者張叔等十餘

人親自飭厲遣詣京師受業博士或學律令減省少府



西漢書要 卷三  
用度買刀布蜀物齎計吏以遺博士數歲蜀生皆成就  
還歸文翁以爲右職用次察舉宮有至郡守刺史者又  
修起學官于成都市中招下縣子弟以爲學宮子弟爲  
除更繇高者以補郡縣吏次爲孝弟力田常選學官僮  
子使在便坐受事每出行益縣從學官諸生明經飭行  
者與俱使傳教令出入閨閣縣邑吏民見而榮之數年  
爭欲爲學官弟子富人至出錢以求之繇是大化蜀地  
學于京師者比齊魯焉至武帝時乃令天下郡國皆立  
學校官自文翁爲之始云 循吏傳

元帝郡國置五經百石卒史

儒林傳

平帝元始三年立學官郡國曰學邑侯國曰校校學置  
經師一人鄉曰庠聚曰序序庠置孝經師一人 紀

何武爲刺史行部必先卽學宮見諸生試其誦論問以  
得失 武傳

### 圖書上

漢興改秦之敝大收篇籍廣開獻書之路迄孝武世書  
缺簡脫禮壞樂崩聖上喟然而稱曰朕甚閔焉于是建  
藏書之策置寫書之官下及諸子傳說皆充秘府至成

帝時以書頗散亡使謁者陳農求遺書于天下詔光祿大夫劉向校經傳諸子詩賦步兵校尉任宏校兵書大史令尹咸校數術侍醫李柱國校方技每一書已向輒條其篇目撮其指意錄而奏之會向卒哀帝復使向子侍中奉車都尉歆卒父業歆于是總羣書而奏其七畧故有輯畧有六藝畧有諸子畧有詩賦畧有兵書畧有術數畧有方技畧今剛其要以備篇籍

藝文志下同

凡易十三家二百九十四篇易道深矣人更三聖世易三古及秦燔書而易爲筮卜之事傳者不絕漢興田何傳之訖于宣元有施孟梁邱京氏列于學官而民間有費高二家之說劉向以中古文易經校施孟梁邱經或脫去無咎悔亡惟費氏經與古文同

凡書九家四百一十二篇書之所起遠矣至孔子纂焉上斷于堯下訖于秦凡百篇而爲之序言其作意秦燔書禁學濟南伏生獨壁藏之漢興亡失求得二十九篇以教齊魯之間訖孝宣世有歐陽大小夏侯氏立于學官古文尙書者出孔子壁中武帝末魯共王壞孔子宅欲以廣其宮而得古文尙書及禮記論語孝經凡數十

篇皆古字也其王往入其宅聞鼓琴瑟鐘磬之音于是  
懼乃止不壞孔安國者孔子後也悉得其書以考二十  
九篇得多十六篇安國獻之遭巫蠱事未列于學官劉  
向以中古文校歐陽大小夏侯三家經文酒誥脫簡一  
召誥脫簡二率簡二十五字者脫亦二十五字簡二十  
二字者脫亦二十二字文字異者七百有餘脫字數十  
書者古之號令號令于衆其言不立具則聽受施行者  
弗曉古文讀應爾雅故解古今語而可知也

凡詩六家四百一十六卷漢興魯申公爲詩訓故而齊  
轅固燕韓生皆爲之傳或取春秋采雜說咸非其本義  
與不得已魯最爲近之三家皆列于學官又有毛公之  
學自謂子夏所傳而河間獻王好之未得立

凡禮十三家五百五十五篇漢興魯高唐生傳士禮十  
七篇訖孝宣世后倉最明戴聖慶普皆其弟子三家立  
于學官禮古經者出于魯淹中及孔氏學七十篇文相  
似多三十九篇及明堂陰陽王史氏記所見多天子諸  
侯卿大夫之制雖不能備猶瘡倉等推士禮而致于天  
子之說

凡樂六家百六十五篇漢興制氏以雅樂聲律世在樂官頗能紀其鏗鏘鼓舞而不能言其義六國之君魏文侯最爲好古孝文時得其樂人竇公獻其書乃周官大宗伯之大司樂章也武帝時河間獻王好儒與毛生等共采周官及諸子言樂事者以作樂記獻八佾之舞與制氏不相遠其內史丞王定傳之以授常山王禹禹成帝時爲謁者數言其義獻二十四卷記劉向校書得樂記二十三篇與禹不同其道寢以益微

凡春秋二十三家九百四十八篇周室旣微載籍殘缺仲尼與左邱明觀魯史記因興以立功就敗以成罰耶明論本事而作傳及末世有公羊穀梁鄒夾之傳四家之中公羊穀梁立于學官鄒氏無師夾氏未有書凡論語十二家二百二十九篇漢興有齊魯之說傳齊論者昌邑中尉王吉少府宋畸御史大夫貢禹尙書令五鹿充宗膠東庸生唯王陽名家傳魯論語者常山都尉龔奮長信少府夏侯勝丞相韋賢魯扶卿前將軍蕭望之安昌侯張禹皆名家張氏最後而行于世凡孝經十一家五十九篇漢興長孫氏博士江翁少府

后倉諫大夫翼奉安昌侯張禹傳之各自名家經文皆同惟孔氏壁中古文爲異父母生之續莫大焉故親生之膝下諸家說不安處古文字讀皆異

凡小學十家四十五篇古者八歲入小學故周官保氏掌養國子教之六書謂象形象事象意象聲轉注假借造字之本也漢興蕭何草律亦著其法曰太史試學童能諷書九千字以上乃得爲史又以六體試之課最者以爲尙書御史史書合史吏民上書字或不正輒舉劾六體者古文奇字篆書隸書繆篆虫書皆所以通知古

今文字摹印章書幡信也漢興閭里書師合蒼頡爰歷博學三篇斷六十字以爲一章凡五十五章并爲蒼頡篇武帝時司馬相如作凡將篇無復字元帝時黃門今史游作急就篇成帝時將作大匠李長作元尙篇皆蒼頡中正字也凡將則頗有出矣至元始中召天下通小學者以百數各合記字于庭中楊雄取其有用者以作訓纂篇順續蒼頡又易蒼頡中重複之字凡八十九章臣復續楊雄作十三章凡一百二章無復字六藝羣書所載略備矣蒼頡多古字俗師失其讀宣帝時召齊人

能正讀者張敞從受之傳至外孫之子杜林為作訓故  
并列焉

凡六藝一百三家三千一百二十三篇

西漢會要卷二十六

宋 徐 天 麟 撰

學校下

圖書下

儒五十三家八百三十六篇

道三十七家九百九十三篇

陰陽二十二家三百六十九篇

法十家二百一十七篇

名七家三十六篇

墨六家八十六篇

從橫十二家百七篇

雜二十家四百三篇

農九家百一十四篇

小說十五家千三百八十篇

凡諸子百八十九家四千三百二十四篇

賦二十家三百六十一篇

賦二十一家二百七十四篇

賦二十五家百三十六篇

雜賦十二家二百三十三篇

歌詩二十八家三百一十四篇

凡詩賦百六家千三百一十八篇

兵權謀十三家二百五十九篇

兵形勢十一家九十二篇圖十八卷

陰陽十六家二百四十九篇

兵技巧十三家百九十九篇

凡兵書五十三家七百九十篇圖四十三卷漢興張

良韓信序次兵法凡百八十二家刪取要用定著三

西漢書要 卷三  
十五家諸呂用事而盜取之武帝時軍政楊僕摺摺  
遺逸紀奏兵錄猶未能備至于孝成命任宏論次兵  
書爲四種

天文二十一家四百四十五卷

歷譜十八家六百六卷

五行三十一家六百五十二卷

著龜十五家四百一卷

雜占十八家三百一十三卷

形法六家百一十二卷

凡數術百九十家二千五百二十八卷

醫經七家二百一十六卷

經方十一家二百七十四卷

房中八家百八十六卷

神仙十家二百五卷

凡方技三十六家八百六十八卷

大凡書六畧三十八種五百九十六家萬三千二百六

十九卷

並藝文志

雜錄



漢元年高祖入關蕭何盡收秦丞相府圖籍文書本紀

御史中丞在殿中蘭臺掌圖籍秘書百官表臣天麟謹案通典云漢凡圖

書所在有石渠石室延閣廣內貯之于外府又有御史中丞居殿中掌蘭臺秘書及麒麟天祿二閣貯之子內

禁

成帝河平三年劉向校中秘書謁者陳農使使求遺書

于天下本紀臣天麟謹按劉歆七略云外則有大常大史博士之藏內則有延閣廣內秋丞之府

史記石室金匱之書司馬遷傳

蘇昌為太常坐籍霍山書泄秘書免百官表師古曰以秘書借霍山

霍山坐寫秘書自殺光傳

河間獻王修學好古實事求是從民得善書必為好寫

與之留其真加金帛賜以招之繇是四方道術之人不

遠千里或有先祖舊書多奉以奏獻王者故得書多與

漢朝等是時淮南王安亦好書所招致率多浮辯獻王


所得書皆古文先秦舊書周官尚書禮禮記孟子老子

之屬皆經傳說記七十子之徒所論其學舉六藝立毛

氏詩左氏春秋博士修禮樂被服儒術造次必于儒者

山東諸儒多從而遊本傳

講論經義校讐附



瑕邱江公受穀梁春秋及詩于魯申公傳子至孫爲博士武帝時江公與董仲舒並仲舒通五經能持論善屬文江公呐于口上使與仲舒議不如仲舒而丞相公孫宏本爲公羊學比輯其議卒用董生于是上因尊公羊家詔大子受公羊春秋由是公羊大興大子旣通復私問穀梁而善之其後浸微惟魯榮廣王孫皓星公二人受焉廣盡能傳其詩春秋高材捷敏與公羊大師畦孟等論數困之故好學者頗復受穀梁沛蔡千秋少君梁周慶幼君丁姓子孫皆從廣受千秋又事皓星公爲學

最篤宣帝卽位聞衛大子好穀梁春秋以問丞相韋賢長信少府夏侯勝及侍中樂陵侯史高皆魯人也言穀梁子本魯學公羊氏乃齊學也宜興穀梁時千秋爲郎召見與公羊家並說上善穀梁說擢千秋爲諫大夫給事中後有過左遷平陵令復求能爲穀梁者莫及千秋上愍其學且絕乃以千秋爲郎中戶將選郎十人從受汝南尹更始翁君本自事千秋能說矣會千秋病死召江公孫爲博士劉向以故諫大夫通達待詔受穀梁欲令助之江博士復死乃召周慶丁姓待詔保宮使卒授

十人自元康中始講至甘露元年積十餘歲皆明習乃  
 召五經各儒大子大傅蕭望之等大議殿中平公羊穀  
 梁同異各以經處是非時公羊博士嚴鼓祖侍郎申輓  
 伊推宋顯穀梁議卽尹更始待詔劉向周慶丁姓並論  
 公羊家多不見從願請內侍郎許廣使者亦並內穀梁  
 家中郎王亥各五人議三十餘事望之等十一人各以  
 經說對多從穀梁由是穀梁之學大盛儒林傳  
 孝宣甘露三年三月詔諸儒講論五經同異太子大傅  
 蕭望之等平奏其議上親稱制臨決焉紀

韋元成拜淮陽中尉受詔與蕭望之及五經諸儒雜論

同異于石渠閣條奏其對元成傳臣天麟謹按三輔黃圖云石渠閣蕭何造其下龍

石爲渠以導水若今御溝因爲閣名所藏入關所得秦之圖籍至成又于此藏書焉天祿閣藏典籍之所漢宮

殿疏云天祿麒麟閣蕭何造以藏書處賢才也

施讐受王孫易爲博士甘露中與五經諸儒雜論同異

于石渠閣本傳

梁邱臨傳賀易甘露中奉使問諸儒于石渠梁邱賀傳

歐陽地餘傳尙書爲博士論石渠歐陽生傳

林尊爲博士論石渠尊博

周堪與孔霸俱事大夏侯勝論于石渠經為最高堪傳

張山拊事小夏侯建為博士論石渠本傳

張生薛廣德以魯詩論石渠王式博

戴德號大戴聖號小戴以博士論石渠孟卿傳

聞人通漢以太子舍人論石渠上

劉向受穀梁講論五經于石渠本傳注云三輔舊事石渠閣在未央宮大殿北

以藏秘書

五經雜論十八篇 書議奏四十二篇

禮議奏三十八篇 春秋議奏三十九篇

論語議奏十八篇 並見藝文志注云宣帝時石渠論

少府五鹿充宗貴幸為梁邱易自宣帝時善梁邱氏說

元帝好之欲考其異同令充宗與諸易家論充宗乘貴

辨口諸儒莫能與抗皆稱疾不敢會有薦朱雲者召入

攝齋登堂抗首而請音動左右既論難連柱五鹿君故

諸儒為之語曰五鹿嶽嶽朱雲折其角繇是為博士朱雲傳

成帝河平三年詔光祿大夫劉向校經傳諸子詩賦步

兵校尉任宏校兵書大史令尹咸校數術侍醫李柱國



校方伎每一書已向輒條其篇目撮其指意錄而奏之  
 會向卒子歆卒父業歆于是總羣書而奏其七略故有  
 輯畧有六藝畧有諸子畧有詩賦畧有兵書畧有術數  
 畧有方伎畧藝文志

班伯受詩于師丹大將軍王鳳薦伯宜勤學召見宴昵  
 賦容貌甚麗誦說有法拜為中常侍時上方鄉學鄭寬  
 中張禹朝夕入說尚書論語于金華殿中詔伯受焉既  
 通大義又講異同于許商遷奉車都尉數年金華之業

絕出敘傳

楊雄校書天祿閣本贊

國史

楚漢春秋九篇陸賈所記

高祖傳十三篇高祖與大臣述古語及詔策也

孝文傳十一篇文帝所稱及詔策

太史公百三十篇十篇有錄無書

馮商所續大史公七篇商受詔續

漢著記百九十卷師古曰若今之起居注

漢大年紀五篇已上並藝文志

史記石室金鑽之書

司馬遷傳

柱下方書

張蒼為御史主柱下方書

大常屬官有大史令丞

司馬氏世典周史至談為大史公大史公任于建元元

封之間

如淳曰漢儀注大史公武帝置位在丞相上天

遷死後

宣帝以其官為令行大史公文書而已晉灼曰百官表無大史公在丞相上又衛宏所說多不實未可

以為正師

古曰設為大史令耳遷尊其父故謂之為公如說非也

大史公既掌天官不

治民有子曰遷遷生龍門耕牧河山之陽年十歲則誦

古文二十而南游江淮上會稽探禹穴窺九疑浮沅湘

北涉汶泗講業齊魯之都觀夫子遺風鄉射鄒嶧隄困

蕃薛彭城過梁楚以歸于是遷仕為郎中奉使西征巴

蜀以南畧邛笮昆明還報命是歲天子始建漢家之封

而大史公留滯周南不得與從事發憤且卒而子遷適

反見父于河雒之間大史公執遷手而泣曰予先周室

之大史也自上世嘗顯功名虞夏典天官事後世中衰

絕于子乎女復為大史則續吾祖矣今天子接千歲之

統封泰山而子不得從行是命也夫命也夫子死爾必

為大史母忘吾所欲論著矣且夫孝始于事親中于事

西漢書要 卷三  
九  
君終于立身揚名于後世以顯父母此孝之大也夫天  
下稱周公言其能論歌文武之德宣周召之風達大王  
王季思慮爰及公劉以尊后稷也幽厲之後王道缺禮  
樂衰孔子修舊起廢論詩書作春秋則學者至今則之  
自獲麟以來四百有餘歲而諸侯相兼史記放絕今漢  
興海內一統明主賢君忠臣義士予爲大史而不論載  
廢天下之文予甚懼焉爾其念哉遷俯首流涕曰小子  
不敏請悉論先人所次舊聞不敢闕卒三歲而遷爲大  
史令紬史紀石室金鑱之書五年而當大初元年十一

月甲子朔旦冬至天歷始改建于明堂諸神受祀大史  
公曰先人有言自周公卒五百歲而有孔子孔子至于  
今百歲有能紹而明之正易傳繼春秋本詩書禮樂之  
際意在斯乎意在斯乎小子何敢遜焉于是論次其文  
述陶唐以來至于麟止自黃帝始惟漢繼五帝末流接  
三代絕業周道廢秦撥去古文赫滅詩書故明堂石室  
金鑱玉版圖籍散亂漢興蕭何次律令韓信申軍法張  
蒼爲章程叔孫通定禮儀則文學彬彬稍進詩書往往  
間出自曹參薦蓋公言黃老而賈誼朝錯明申韓公孫

宏以儒顯百年之間天下遺文古事靡不畢集大史公  
 仍父子相繼纂其職曰於戲予惟先人嘗掌斯事顯于  
 唐虞至于周復典之故司馬氏世主天官至于余乎欽  
 念哉罔羅天下放失舊聞王迹所興原始察終見盛觀  
 衰論考之行事畧三代錄秦漢上記黃帝下至于茲著  
 十二本紀既科條之矣並時異世年差不明作十表禮  
 樂損益律歷改易兵權山川鬼神天人之際承敝通變  
 作八書二十八宿環北辰三十輻共一轂運行無窮輔  
 弼股肱之臣配焉忠信行道以奉主上作三十世家扶  
 義俶儻不合已失時立功名于天下作七十列傳凡百  
 三十篇五十二萬六千五百字為大史公書序略以拾  
 遺補執成一家言協六經異傳齊百家雜語藏之名山  
 副在京師以竣後聖君子而十篇闕有錄無書張晏曰  
後亡景紀武記禮書樂書兵書漢興以來將相年表日  
者列傳三王世家龜策列傳傳斬列傳元成之間褚先  
生補闕作武帝紀三王世家龜策日者傳言辭鄙陋非  
遷本意也師古曰序目本無兵書張云亡失此說非也  
劉奉世曰兵書即律  
書蓋當時有二名爾  
 遷既死後其書稍出宣帝時遷外  
 孫平通侯楊惲祖述其書遂宣布焉司馬遷傳

賜書

侯諸王求書附



班游進讀羣書成帝賜以秘書之副叙傳

東平思王來朝上疏求諸子及大史公書上以問大將

軍王鳳對曰臣聞諸侯朝聘考文章正法度非禮不信

今東平王幸得來朝不思制節謹度以防危失而求諸

書非朝聘之義也諸子書或反經術非聖人或明鬼神

信物怪大史公書有戰國從橫權譎之謀漢興之初謀

臣奇策天官災異地形阨阨皆不宐在諸侯王不可與

不許之辭宜曰五經聖人所制萬事靡不畢載王審樂

道傳相皆儒者旦夕講誦足以正身虞意夫小辯破義

小道不通致遠恐泥皆不足以留意諸益于經術者不

愛于王對奏天子如鳳言遂不與宣元六王傳

黜百家

孝武初立卓然罷黜百家表章六經本贊

董仲舒對策曰春秋大一統者天地之常經古今之通

誼也今師異道人異論百家殊方指意不同是以上亡


以持一統法制數變人不知所守臣愚以為諸不在六

藝之科孔子之術者勿使並進邪辟之說滅息然後統

紀可一而法度可明民知所從矣傳

建元元年丞相綰奉所舉賢良或治申商韓非蘇秦張儀之言亂國政請皆罷奏可

紀武



天祿中平

